



Uthaqa wezikole

African Storybook

Busisiwe Ndlovu





UBusisiwe noBandile bajabule kakhulu.

Izikole zivaliwe ngenxa kathaqa wezwe.

Balangazelele isikhathi abazosichitha
besekhaya.



Emva kwamasonto ayisihlanu kathaqa wezwe, osisi laba abasajabule.

“Ngenza konke okusemandleni ami ukufunda nge-inthanethi. Kuyinselelo enkulu,” kusho uBandi ngokukhathazeka.



UBusi uyavuma, “Ngikhumbule ukuya esikoleni.”

“Manje isikole sekungamaqembu okuxoxa ku-WhatsApp, izinhlelo zemfundo, nemfundo kumabonakude,” kusho uBandi.



Uyaqhubeka, “Manje isikole sifuna ukuzimisela nokuzinikela okukhulu.”

UBusi uthi, “Kunjalo nje kufanele sihlale sine datha futhi sixhumeke ku-inthanethi.”



“Imindeni eminingi ayikwazi ukuthenga idatha. Kuyasinda ephaketheni,” kusho uBandi.

UBusi ucabanga ngabangani bakhe, uBuhle noLuka.



UBusi uthi, “Ezinye izingane zidinga uhlelo lokudla kwasesikoleni.”

Ukhathazekile, “Ingabe abazali bazo bazokwazi yini ukuthenga ukudla okwanele?”



UBandi uthi, “Sinenhlanhla. Uthaqa wezwe awuzange ube nomthelela omubi ezimalini lapha ekhaya.”

“Ngibakhumbula ngempela abangani bami,” kusho uBusi ephefumulela phezulu.



Uyaqhubeka, “Ngiyakwazi ukukhuluma nabo ocingweni kodwa akufani. Ngithanda ukudlala nabo.”



UBandi uyabala, “Ngikhumbula umoya nje wasesikoleni, othisha, ukufunda izinto ezintsha, nokuba phakathi kwabangani.”

UMama ungena egumbini labo.



“Mantombazane, ngiqeda ukuzwa emsakazweni kuthiwa izikole zizovulwa ngesonto elizayo,” kumamatheka uMama.

UBusisiwe noBandile bajabula kakhulu.

—Imibuzo

1. Chaza okushiwo: 'ubunzima bezezimali', 'ukufunda nge-inthanethi', 'uhlelo lokudla'.
2. Ingabe osisi bebewuthokozela yini uthaqa wezwe? Chaza impendulo yakho.
3. Qhathanisa ukufunda esikoleni nokufunda nge-inthanethi. Yikuphi kulokhu okungabizi kakhulu?
4. Uma kungenzeka omunye uthaqa, yiziphi izinto obungazenza ngokuhlukile?
5. Ingabe zikhona izinto ozifundile ngempilo ngesikhathi sikathaqa wezikole? Chaza.
6. Ucabanga ukuthi kungani isikole sasidinga isiyalo nokuzinikela okwengeziwe ngesikhathi sikathaqa?

Le ncwadi yezindaba ixoxa ngemibiko yomsakazo i-RX Radio. I-RX Radio ngumsakazo wezingane we-inthanethi futhi osakaza izindaba ezithinta zona.

Isakazela esiteshini esisesibhedlela saseKapa i-Red Cross War Memorial Children's Hospital.

I-RX Radio isiza izingane ukuba zikwazi ukuxoxa izindaba ngezinto ezibalulekile kuzona.

[Vakashela i-RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Uthaqa wezikole

Author/s: African Storybook

Translator/s: Zanele Ndlovu

Illustrator/s: Busisiwe Ndlovu

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

